



Broj: 02-05-10148-1/16
Sarajevo, 05.04.2016. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo na **38. sjednici** održanoj **05.04.2016.** godine, donijela je sljedeći

ZAKLJUČAK

1. Utvrđuje se Prijedlog odluke o izmjenama i dopunama Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo.
2. Predlaže se Skupštini Kantona Sarajevo da donese Odluku o izmjenama i dopunama Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo.

P R E M I J E R

Elmedin Konaković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo zdravstva Kantona Sarajevo
5. Zavod zdravstvenog osiguranja Kantona Sarajevo
(putem Ministarstva zdravstva Kantona Sarajevo)
6. Evidencija
7. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu čl. 13. stav 1. tačka b. i 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), čl. 84. i 85., a u vezi sa članom 103. stav 1. alineja 3. Zakona o zdravstvenom osiguranju ("Službene novine Federacije BiH", br. 30/97, 7/02, 70/08 i 48/11), člana 9. Zakona o doprinosima ("Službene novine Federacije BiH", br. 35/98, 54/00, 16/01, 37/01, 1/02, 17/06 i 14/08), Skupština Kantona Sarajevo, na sjednici održanoj _____ 2016. godine, donijela je

Prijedlog

ODLUKU
O IZMJENAMA I DOPUNAMA ODLUKE O UTVRĐIVANJU OSNOVICA, STOPA I
NAČINU OBRAČUNAVANJA I UPLATE DOPRINOSA ZA OBAVEZNO
ZDRAVSTVENO OSIGURANJE NA PODRUČJU KANTONA SARAJEVO

Član 1.

U Odluci o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo ("Službene novine Kantona Sarajevo", broj 29/09), u cijelom tekstu sadržaja propisa riječ: „doprinos“, u određenom padežu, zamijenjuje se riječju: „naknada“, izuzimajući nazive zakona i podzakonskih propisa, koji se navode u tekstu Odluke.

Član 2.

(1) U članu 7. tačka h) alineja 3) iza riječi: „civilne žrtve rata“ dodaju se riječi: „i civilne invalide“.

(2) U članu 7. tačka h) alineja 4) mijenja se i glasi: „djeca do 15 godina života koja su ostvarila pravo na dječiji dodatak ako nisu osigurana po drugom osnovu“.

(3) U članu 7. tačka h) alineja 6) riječi: „lica smještena u ustanove socijalne zaštite i“, se brišu.

(4) U članu 7. tačka j) mijenja se i glasi:

“j) organ uprave kantona nadležan za boračku zaštitu za lica sa prebivalištem na području Kantona Sarajevo i to za: ratne vojne invalide i članove njihovih porodica, članove porodica šehida, članove porodica poginulih, umrlih i nestalih branioca, dobitnike ratnih priznanja i odlikovanja i članove porodica poginulih, umrlih i nestalih dobitnika ratnog priznanja i odlikovanja, ratne vojne zarobljenike i demobilizirane branioce, ako nisu osigurana po drugom osnovu;“.

Član 3.

(1) U članu 10. tačka c) alineja 3) iza riječi: “civilne žrtve rata” dodaju se riječi: “i civilne invalide”.

(2) U članu 10. tačka c) alineja 4) riječi: “socijalno ugrožena lica” zamjenjuju se riječima: “djecu do 15 godina života koja su ostvarila pravo na dječiji dodatak”.

(3) U članu 10. tačka f) mijenja se i glasi:

“f) organ uprave kantona nadležan za boračku zaštitu za lica sa prebivalištem na području Kantona Sarajevo i to: ratne vojne invalide i članove njihovih porodica, članove porodica šehida, članove porodica poginulih, umrlih i nestalih branioca, dobitnike ratnih priznanja i odlikovanja i članove porodica poginulih, umrlih i nestalih dobitnika ratnog priznanja i odlikovanja, ratne vojne zarobljenike i demobilizirane branioce, ako nisu osigurana po drugom osnovu u paušalnom iznosu od 10 KM po prijavljenom licu – nosiocu osiguranja;”.

Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj: _____
Sarajevo, _____

**Predsjedateljica
Skupštine Kantona Sarajevo**

Prof. Ana Babić

O B R A Z L O Ž E N J E

I – PRAVNI OSNOV

Pravni osnov za donošenje ove Odluke je član 13. stav 1. tačka b. i člana 18. stav 1. tačka b. Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04 i 6/13), čl. 84. i 85., a u vezi sa članom 103. stav 1. alineja 3. Zakona o zdravstvenom osiguranju („Službene novine Federacije BiH“, br. 30/97, 7/02, 70/08 i 48/11), člana 9. Zakona o doprinosima („Službene novine Federacije BiH“, br. 35/98, 54/00, 16/01, 37/01, 1/02, 17/06 i 14/08), Zakon o dopunskim pravima boraca-branitelja BiH („Službene novine Kantona Sarajevo“, br. 45/12 - Prečišćeni tekst i 26/14) i Zakon o socijalnoj zaštiti civilnih žrtava rata i zaštiti porodice sa djecom (“Službene novine Kantona Sarajevo”, broj: 38/14 – Prečišćeni tekst).

II – RAZLOZI ZA DONOŠENJE

Inicijativu za izmjene i dopune Odluke, pokrenulo je Ministarstvo za boračka pitanja nakon provođenja budžetskog nadzora i naloga Budžetske inspekcije da se obustavi plaćanje za demobilisane borce, jer ta kategorija nije navedena u važećoj Odluci o utvrđivanju osnovica, stopa i načinu obračunavanja i uplate doprinosna za obavezno zdravstveno osiguranje na području Kantona Sarajevo (“Službene novine Kantona Sarajevo”, broj 29/09).

U Odluci su navedene kategorije koje ostvaruju pravo na zdravstveno osiguranje po Zakonu o dopunskim pravima boraca-branitelja BiH, i to: ratni ili mirnodopski vojni invalidi, lica koja imaju status korisnika porodične invalidnine, porodice šehida i poginulih boraca, kao i paušalni iznos koji se za njih plaća, osim demobilisanih boraca koji to pravo takođe ostvaruju po navedenom zakonu a isti nisu bili obuhvaćeni u osnovnom tekstu Odluke.

Zakonom o dopunskim pravima boraca-branitelja BiH, u članu 6. je navedeno:

„Lica iz člana 1. ovog Zakona, ukoliko ne mogu ostvariti status osiguranog lica po propisima iz oblasti zdravstva, ostvaruju to pravo po ovom zakonu.

U slučajevima iz prethodnog stava obveznik uplate doprinosa - naknade za zdravstveno osiguranje je Ministarstvo za boračka pitanja Kantona“.

Zakon o socijalnoj zaštiti civilnih žrtava rata i zaštiti porodice sa djecom u članu 146. stav 3. propisuje da “sve osobe sa invaliditetom koje nemaju zdravstveno osiguranje po drugom osnovu, imaju pravo na zdravstveno osiguranje po ovom zakonu”.

Stavom 6. istog člana je propisano da će poslove vezane za korisnike iz stava 3. ovog zakona vršiti JU “Kantonalni centar za socijalni rad”.

III – OBRAZLOŽENJE PREDLOŽENIH PRAVNIH RJEŠENJA

U članu 1. provedena je preporuka od strane Budžetske inspekcije data tokom provođenja budžetskog nadzora u Ministarstvu za boračka pitanja, a odnosila se na potrebu usaglašavanja terminologije iz Odluke u skladu sa ustavnim nadležnostima. Tako je u aktu broj 08-04-14-19464/2 od 27.04.2015. godine “Odgovor na primjedbe na Zapisnik o izvršenom inspekcijskom nadzoru u Ministarstvu za boračka pitanja broj 08-04-14-1964/I od 20.04.2015. godine” navedeno:

“U kontekstu usaglašavanja navedenih pravnih akata treba imati u vidu da naziv Odluke (Odluka o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo) ne odgovara nadležnostima Kantona, kao nivoa vlasti jer u skladu sa ustavnim nadležnostima, Parlament Federacije donosi propise kojim se utvrđuju doprinosi i stopa doprinosa”

Zbog navedenog je predložena izmjena riječi: “doprinos”, sa riječju: „naknada“.

U članu 2. mijenja se član 7. tačka h) alineja 3) tako što se dodaju “civilni invalidi”.

U članu 2. mijenja se član 7. tačka h) alineja 4) i umjesto “socijalno ugroženih lica” koji su obuhvaćeni članom 7. tačkom l) uvrštavaju “djeca do 15 godina života koja su ostvarila pravo na dječiji dodatak ako nisu osigurana po drugom osnovu” jer nisu obuhvaćena niti jednim članom Odluke a imaju pravo na zdravstveno osiguranje po Zakonu o socijalnoj zaštiti civilnih žrtava rata i zaštiti porodice sa djecom.

U članu 2. mijenja se član 7. tačka h) alineja 6) i brišu lica smještena u ustanove socijalne zaštite jer su isti u nadležnosti JU “Kantonalni centar za socijalni rad”.

U članu 2. mijenja se član 7. tačka j) tako što se u navedenu tačku uvrštavaju sva lica iz člana 1. i 2. Zakona o dopunskim pravima boraca-branitelja BiH („Službene novine Kantona Sarajevo”, br. 45/12 - Prečišćeni tekst i 26/14) koja imaju pravo na zdravstvenu zaštitu .

U članu 3. mijenja se član 10. tačka c) alineja 3) i dodaju “civilni invalidi”.

U članu 3. mijenja se član 10. tačka c) alineja 4) tako da se paušalno plaćanje od 20 KM za obavezno zdravstveno osiguranje utvrđuje za djecu do 15 godina života koja su ostvarila pravo na dječiji dodatak ako nisu osigurana po drugom osnovu, umjesto za socijalno ugrožena lica.

U članu 3. mijenja se član 10. tačka f) te se kao lica za koja se utvrđuje i plaća doprinos-naknada u paušalnom iznosu od 10 KM uvrštavaju demobilisani borci, a brišu se civilni invalidi koji su u nadležnosti organa uprave kantona nadležan za poslove socijalne i dječije zaštite.

U članu 4. propisan je dan stupanja na snagu ove Odluke.

IV – FINANSIJSKA SREDSTVA

Potrebna finansijska sredstva za prijavu na obavezno zdravstveno osiguranje po osnovu zakona o dopunskim pravima boraca-branitelja BiH, Zakona o socijalnoj zaštiti civilnih žrtava rata i zaštiti porodice sa djecom, kao i ovom Odlukom, planiraju se u Budžetu Kantona Sarajevo u okviru Ministarstva za boračka pitanja Kantona Sarajevo i Ministarstva za rad, socijalnu politiku, raseljena lica i izbjeglice Kantona Sarajevo.

Ministarstvo za boračka pitanja Kantona Sarajevo je u Budžetu Kantona Sarajevo za 2016. godinu, za naprijed navedeno obezbjedilo finansijska sredstva iznosu od 365.000 KM, na poziciji 614200 DAM015 – „Sredstva za uplatu doprinosa za zdravst. osiguranje“, koja ne uključuju dodatne obaveze nakon usvajanja ove odluke, odnosno doprinose za demobilisane branitelje. Procijenjuje se da će finansijska sredstva za ove namjene biti dostatna.

Ministarstvo za rad, socijalnu politiku, raseljena lica i izbjeglice Kantona Sarajevo, je u Budžetu Kantona Sarajevo za 2016. godinu, za naprijed navedeno obezbjedilo finansijska sredstva u ukupnom iznosu od 938.640 KM, razdjel 23, glava 01, potrošačka jedinica 0001, Pozicija NAM 002 – Zaštita porodice sa djecom 228.000 KM, Pozicija NAM 003 – Zaštita civilnih žrtava rata 73.440 KM, Pozicija NAM 004 – Raseljena lica i izbjeglice 100.000 KM, Pozicija NAM 005 – Socijalna zaštita 460.000 KM i Pozicija NAM 024 – Plaćanje zdravstvenog osiguranja radnika u preduzećima koja nisu u mogućnosti da izmiruju obaveze zdravstvenog osiguranja za radnike preduzeća sa učešćem državnog kapitala Kantona Sarajevo od 51% i više, a koja su u postupku stečaja, likvidacije, prestrukturiranja i privatizacije 17.200 KM.

U procjeni za naredne dvije godine u Ministarstvu za rad, socijalnu politiku, raseljena lica i izbjeglice Kantona Sarajevo planirana su sredstva u naprijed navedenim iznosima.

V – PRIJEDLOG ODLUKE SKUPŠTINE

Na osnovu izloženog, predlažemo Skupštini Kantona Sarajevo da donese Odluku o izmjenama i dopunama Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo, kao u predloženom tekstu.

**ZAVOD ZDRAVSTVENOG OSIGURANJA
KANTONA SARAJEVO
UPRAVNI ODBOR**

Na osnovu člana 103. Zakona o zdravstvenom osiguranju („Službene novine Federacije BiH“ br. 30/97, 07/02, 70/08 i 48/11) i člana 17. Statuta Zavoda zdravstvenog osiguranja Kantona Sarajevo („Službene novine Kantona Sarajevo“ br. 4/00, 18/02, 30/08, 1/12 i 15/13), Upravni odbor Zavoda zdravstvenog osiguranja Kantona Sarajevo na 8. sjednici održanoj dana 05.10.2015. godine, donosi

ODLUKU

I

Usvaja se Prijedlog izmjene i dopune Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo.

II

Sastavni dio ove Odluke je Prijedlog izmjena i dopuna Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo.

III

Prijedlog izmjena i dopuna Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo, putem resornog ministarstva upućuje se na dalju proceduru usvajanja od strane Skupštine Kantona Sarajevo.

IV

Ova Odluka stupa na snagu danom donošenja.

Broj: UO/04-18359-9/15
Sarajevo, 05.10.2015. godine.

Predsjednica Upravnog odbora

Doc. dr. sci. Jasmina Selimović

Dostaviti:

- v.d. Direktor
- Sektor za ekonomiku i finansiranje
- Služba za javne nabavke
- a/a UO



Broj: 09-02-4826/16
Sarajevo, 23.02.2016. godine

KANTON SARAJEVO
MINISTARSTVO ZDRAVSTVA

PREDMET: Stručno mišljenje na prijedlog Odluke o izmjenama i dopunama Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo.-

Na osnovu člana 2. Uredbe o Uredu za zakonodavstvo Vlade Kantona Sarajevo («Službene novine Kantona Sarajevo», broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa («Službene novine Kantona Sarajevo», broj: 21/11-Novi prečišćeni tekst, 30/11-Ispravka i 23/15), Ured za zakonodavstvo Vlade Kantona Sarajevo, daje slijedeće

MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Odluke o izmjenama i dopunama Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo po pitanju njegove usklađenosti sa odredbama ustava i odredbi pozitivno-pravnih propisa koji pravno regulišu ovu oblast.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst, 30/11-Ispravka i 23/15), te se isti može razmatrati na jednoj od narednih sjednica Vlade Kantona Sarajevo, uz preporuku da se predmetni materijal dopuni sa mišljenjem Ministarstva finansija.

Dostaviti:

1. Naslovu
2. Evidencija
3. Arhiva



SEKRETAR

Amir Ljubović, dipl. pravnik

web: <http://uz.ks.gov.ba>

e-mail: ured@ks.gov.ba;

Tel/fax: + 387 (0) 33 560-448





868

Broj: 03-03-02-4828/16
Sarajevo, 22.02.2016. godine

Handwritten:
Koru
26.02/16
AZ

KANTON SARAJEVO
Ministarstvo zdravstva
gđa. Zilha Ademaj, ministrica

Handwritten: 25-02-2016

PREDMET: Prijedlog Odluke o izmjenama i dopunama Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo, mišljenje –

VEZA: Vaš akt, broj: 10-05-29288/15 od 11.02.2016. godine

Postupajući po vašem aktu, broj i datum gornji, u skladu sa odredbom člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12 - Prečišćeni tekst br. 41/12 i 8/15) i člana 4. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11 – Novi prečišćeni tekst i 30/11 – Ispravka i broj 23/15), Ministarstvo pravde i uprave Kantona Sarajevo razmatralo je Prijedlog Odluke o izmjenama i dopunama Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo i daje slijedeće

MIŠLJENJE

Prijedlog Odluke o izmjenama i dopunama Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo nije u suprotnosti sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda.

S poštovanjem,

MINISTAR
Handwritten signature: Mario Nenadić

Dostaviti:

1. naslovu,
2. arhivi.





Broj:08-01-02- 4827-1/16
Sarajevo, 11.04.2016. god.

**MINISTARSTVO ZDRAVSTVA
KANTONA SARAJEVO
O V D J E**

PREDMET: Mišljenje
Veza: vaš broj: 10-05-29288/15 od 08.04.2016.godine

U skladu sa članom 3. stav (4) Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, br. 21/11- Novi prečišćeni tekst i 30/11), po zahtjevu Ministarstva zdravstva za mišljenje na Prijedlog odluke o izmjenama i dopunama Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo, dajemo sljedeće mišljenje:

Prijedlog odluke o izmjenama i dopunama Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo usaglašen je sa članom 42. stav (1) Zakona o budžetima u Federaciji BiH („Službene novine Federacije BiH“, br. 102/13.), obrazloženje prijedloga odluke sadrži procjenu finansijskih efekata Prijedloga odluke na Budžet Kantona Sarajevo za 2016. godinu i naredne dvije.

Ministarstvo zdravstva u obrazloženju Prijedloga odluke navodi sljedeće:
„Potrebna finansijska sredstva za prijavu na obavezno zdravstveno osiguranje po osnovu Zakona o dopunskim pravima boraca-branitelja BiH, Zakona o sicijalnoj zaštiti civilnih žrtava rata i zaštiti porodice sa djecom, kao i ovom Odlukom, planiraju se u Budžetu Kantona Sarajevo u okviru Ministarstva za boračka pitanja Kantona Sarajevo i Ministarstva za rad, socijalnu politiku, raseljena lica i izbjeglice Kantona Sarajevo.

U Budžetu Kantona Sarajevo za 2016.godinu, u razdjelu Ministarstva za boračka pitanja, na poziciji 614200 DAM 015-Transfer pojedincima-Sredstva za uplatu doprinosa za zdravstveno osiguranje, planirana su sredstva u iznosu 365.000,00 KM, iz kojih će se finansirati provođenje navedene Odluke.

Budžetom Kantona Sarajevo za 2016.godinu, u razdjelu Ministarstvo za rad, socijanu politiku, raseljena lica i izbjeglice za provođenje Prijedloga odluke planirana su sredstva u iznosu 938.640,00 KM, na sljedećim pozicijama:



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



- 614200 NAM 002 – Transfer pojedincima-zaštita porodice sa djecom iznos 228.000 KM
 -614200 NAM 003 – Zaštiti civilnih žrtava rata iznos 73.440 KM
 -614200 NAM 004 – Raseljena lica i izbjeglice iznos 100.000 KM
 -614200 NAM 005 - Socijana davanja iznos 460.000 KM
- 614200 NAM 024 – Plaćanje zdravstvenog osiguranja radnika u preduzećima koja nisu u mogućnosti da izmiruju obaveze zdravstvenog osiguranja za radnike preduzeća sa učešćem državnog kapitala Kantona Sarajevo od 51% i više, a koja su u postupku stečaja, likvidacije, prestruktuiranja i privatizacije iznos 17.200 KM

Procjena sredstava za navedene namjenc u navedenim iznosima planirana je i u naredne dvije godine.



Dostaviti:
 1. Naslovu
 2. MF-Sektor za budžet
 3. a/a

Pripremila- Avdić Z. 



web: <http://mf.ks.gov.ba>
 e-mail: mf@mf.ks.gov.ba;
 Tel: + 387 (0) 33 565-005, Cent.+ 387 (0) 33 565-000
 Fax: + 387 (0) 33 565-052 i 565-048
 Sarajovo, Maršala Tita 62



- 1. hrvatski sportisti, ako nisu obavezno osigurani po drugom osnovu,
- 2. druga fizička lica - rezidenti Federacije, u skladu sa propisima iz oblasti penzijskog i invalidskog osiguranja, zdravstvenog osiguranja i osiguranja od nezaposlenosti.
- 3. obveznik doprinosa iz člana 4. tačka 1. ovog zakona je i fizičko lice - nerezident Federacije koje je na teritoriji Federacije:
 - a) u radnom odnosu kod pravnog ili fizičkog lica - rezidenta Federacije;
 - b) zaposleno kod pravnog ili fizičkog lica - nerezidenta Federacije, ako međunarodnim ugovorom nije drugačije određeno;
 - c) zaposleno kod međunarodne organizacije i ustanove ili stranog diplomatskog i konzularnog predstavništva, ako međunarodnim ugovorom nije drugačije predviđeno.
- 4. obveznik doprinosa iz člana 4. tačka 2. ovog zakona je:
 - a) pravno ili fizičko lice - rezident Federacije, koje zapošljava radnike, za radnike u radnom odnosu i s njima izjednačene osiguranike;
 - b) fizičko lice - rezident Federacije koja samostalno obavlja privrednu, profesionalnu ili drugu djelatnost kao osnovno zanimanje.

Obveznici doprinosa iz člana 4. tačka 3. ovog zakona su: vojnici, fondovi, organi uprave i druga pravna ili fizička lica prema propisima o penzijskom i invalidskom osiguranju, zdravstvenom osiguranju i osiguranju od nezaposlenosti.

Rezidentom Federacije u smislu ovog zakona smatra se i fizičko lice koje na teritoriji Federacije ima prebivalište ili boravište.

Lice rezidenta ima i fizičko lice koje je kao šef diplomatskog ili konzularnog predstavništva ili kao diplomatski ili konzularni službenik zaposleno u domaćem diplomatskom ili konzularnom predstavništvu u inostranstvu, ako se na ta primanja plaća doprinos u zemlji u kojoj je zaposleno.

Lice rezidenta ima i fizičko lice koje je upućeno u inostranstvo na rad obavljanja poslova za Federaciju, za fizičko ili pravno lice - rezidenta Federacije ili za međunarodnu organizaciju.

IV. DANOVIKA DOPRINOSA

Član 6.

- Osnovicu doprinosa iz člana 4. tačka 1. ovog zakona čini:
1. bruto plaća zaposlenog radnika, rukovodnog radnika i pripravnika;
 2. bruto plaća ili druga naknada funkcionera, koja zamjenjuje plaću;
 3. naknada plaće za prekid rada koji nije prouzrokovao radnik;
 4. naknada plaće za vrijeme praznika za koje se po zakonu ne radi;
 5. naknada plaće za vrijeme odsustva sa posla radnika u vrijeme korištenja godišnjeg odmora;
 6. naknada plaće za vrijeme odsustva sa posla u skladu sa zakonom, kolektivnim ugovorom i dr.;
 7. naknada plaće za vrijeme odsustva radnika sa posla radi obnavljanja i stručnog osposobljavanja i prekvalifikacije radnika;
 8. naknada plaće u slučajevima privremene sprječivosti za rad usljed bolesti do 42 dana;
 9. naknada plaće zbog povrede na radu ili oboljenja od profesionalne bolesti, koja se isplaćuje iz sredstava pravnog, odnosno fizičkog lica kod kojeg je osiguranik zaposlen;
 10. bruto-plaća odnosno naknada plaće radnika koji samostalno obavlja privrednu, profesionalnu ili drugu djelatnost kao osnovno zanimanje, s tim da ta osnovica ne može biti niža od prosječne mjesečne bruto plaće zaposlenih na teritoriji Federacije, prema posljednjem objavljenom podatku u Zavoda za statistiku. Izuzetno od odredbi ove tačke, za radnika koji samostalno obavlja privrednu djelatnost

koja se prema odluci nadležnog kantonalnog-županijskog organa smatra niskoakumulativnom, osnovica doprinosa ne može biti niža od 60% prosječne mjesečne bruto-plaće zaposlenih u privredi na teritoriji Federacije, prema posljednjem objavljenom podatku;

11. prosječna mjesečna bruto-plaća zaposlenih u privredi na teritoriji Federacije prema posljednjem objavljenom podatku, za lice koje se bavi zemljoradnjom kao jednim ili glavnim zanimanjem, a do utvrđivanja osnovice od strane nadležnih organa iz člana 1. ovog zakona;
12. primanja od autorskih prava i primanja vrhunskih sportista, s tim da ta osnovica ne može biti niža od prosječne mjesečne bruto-plaće zaposlenih na teritoriji Federacije po posljednjem objavljenom podatku;
13. ostala primanja i naknade fizičkih lica koja nisu obveznici doprinosa po drugom osnovu, u skladu sa propisima o penzijskom i invalidskom osiguranju, zdravstvenom osiguranju i osiguranju od nezaposlenosti.

Član 7.

Osnovica iz člana 6. tač. 1. do 9. ovog zakona je bruto - plaća, odnosno naknada plaće radnika, utvrđena u skladu sa zakonom ili drugim propisima.

Osnovica iz člana 6. tač. 1. do 9. ovog zakona, za obveznika koji je na teritoriji Federacije zaposlen kod pravnog ili fizičkog lica - nerezidenta Federacije je njegova bruto - plaća, s tim da će najniži iznos te osnovice propisati Federalni ministar finansija - Federalni ministar finansija.

Osnovica iz člana 6. tač. 1. do 9. ovog zakona, za obveznika koji je na teritoriji Federacije zaposlen kod humanitarne organizacije - nerezidenta Federacije je njegova bruto plaća, s tim da ta osnovica ne može biti niža od prosječne mjesečne bruto-plaće zaposlenih u Federaciji po posljednjem objavljenom podatku.

Za obveznika koji je u radnom odnosu sa poslodavcem - rezidentom Federacije, a koji je upućen na rad ili stručno usavršavanje u inostranstvo, kao i za obveznika zaposlenog u inostranstvu kod inostranog poslodavca, osnovicu doprinosa iz člana 4. tačka 1. ovog zakona čine lična primanja koja bi za istu vrstu posla ostvario u Federaciji, s tim da ta osnovica ne može biti niža od prosječne mjesečne bruto-plaće zaposlenih u Federaciji po posljednjem objavljenom podatku.

Izuzetno od stava 4. ovog člana, osnovicu, stopu i način obračunavanja i plaćanja doprinosa za penzijsko-invalidsko i zdravstveno osiguranje radnika na radu u inostranstvu određuje Vlada Federacije Bosne i Hercegovine, na prijedlog resornog ministarstva i nosioca osiguranja.

Član 8.

Osnovicu doprinosa iz člana 4. tačka 2. ovog zakona čini bruto-plaća i druga lična primanja radnika u radnom odnosu kod pravnih ili fizičkih lica - rezidenata Federacije i s njima izjednačenih osiguranika, iz čl. 6. i 7. ovog zakona.

Doprinosi iz stava 1. ovog člana imaju karakter troškova poslovanja.

Doprinosi iz člana 4. tačka 3. ovog zakona, obračunavaju se na osnovicu utvrđenu u skladu sa propisima iz oblasti penzijskog i invalidskog osiguranja, zdravstvenog osiguranja i osiguranja od nezaposlenosti.

Član 9.

Doprinosi iz člana 4. tač. 1. i 2. ovog zakona ne plaćaju se na primanja utvrđena Zakonom o porezu na plaću ("Službene novine Federacije BiH", br. 26/96, 27/97 i 12/98) na koja se ne plaća porez na plaću.

Izuzetno, doprinosi iz člana 4. tačka 3. ovog zakona, za pojedine kategorije osiguranika obuhvaćene stavom 1. ovog člana, plaćaju se u skladu sa propisima o penzijskom i invalidskom osiguranju, zdravstvenom osiguranju i osiguranju od nezaposlenosti.

3. doprinosa iz penzija i invalidnina i drugih naknada iz penzijskog i invalidskog osiguranja,
4. doprinosa za nezaposlene građane,
5. doprinosa koji se plaća na stalnu novčanu pomoć i za lica smještena u ustanovama socijalne zaštite,
6. doprinosa iz prihoda od samostalne estradne djelatnosti, izdavanja ploča, audio i video kasete, i na ulaznice za organizaciju sportskih, estradnih i drugih kulturnih javnih priredaba,
7. doprinosa za prihod od autorskih prava, patenata i tehničkih unapređenja,
8. dodatnog doprinosa za korišćenje zdravstvene zaštite u inozemstvu,
9. doprinosa iz dohotka od poljoprivredne djelatnosti, odnosno drugih prihoda ostvarenih obavljanjem poljoprivredne djelatnosti, kao i zakupnine za poljoprivredno zemljište,
10. doprinosa lica koja sama plaćaju doprinos,
11. naknada za zdravstvenu zaštitu članova porodice radnika zaposlenih u inozemstvu inostranih penzionera i članova njihovih porodica,
12. sredstava budžeta kantona odnosno općine,
13. sredstava ličnog učešća osiguranih lica u pokrivenju troškova zdravstvene zaštite, i
14. prihoda od donacije, pomoći, taksi, kamata, dividendi i drugih prihoda.

Sredstva iz stava 1. ovog člana vode se i evidentiraju odvojeno.

Član 81.

Za povredu na radu i oboljenja od profesionalne bolesti osiguranika pravno ili fizičko lice osigurava u cijelosti sredstva za ostvarenje prava iz člana 36. ovog zakona.

Prava ili fizička lica obavezna su da se reosiguraju radi rizika iz stava 1. ovog člana.

Član 82.

Sredstva obaveznog zdravstvenog osiguranja osiguravaju se u kantonalnom zavodu osiguranja, u skladu sa namjenama.

Upravni odbor kantonalnog zavoda osiguranja, uz suglasnost kantonalnog ministra, sačinjava godišnji plan prihoda i rashoda za finansiranje potreba iz obaveznog zdravstvenog osiguranja, polazeći od raspoloživih sredstava, utvrđenog standarda zdravstvene zaštite i programa mjera za provođenje obaveznog zdravstvenog osiguranja.

Kantonalni zavod osiguranja je dužan poduzeti potrebne mjere, ukoliko raspoloživa sredstva nisu dovoljna za pokrivenje rashoda obaveznog zdravstvenog osiguranja u cilju osiguravanja dodatnih sredstava.

U cilju osiguravanja dodatnih sredstava za pokrivenje rashoda obaveznog zdravstvenog osiguranja, kantonalni zavod osiguranja mogu dogovorom, a koordinirano od Federalnog ministarstva zdravstva, udruživati dio sredstava kod Federalnog zavoda osiguranja i reosiguranja.

Dogovorom iz stava 4. ovog člana utvrđuje se visina i način udruživanja sredstava, te kriterij i postupak za njihovo korišćenje.

Upravni odbor Federalnog zavoda osiguranja i reosiguranja odlučuje o korišćenju udruženih sredstava u skladu sa dogovorom iz stava 4. ovog člana.

Predviđene mjere iz stava 3. ovog člana poduzima kantonalni zavod osiguranja uz prethodnu sigurnost kantonalnog ministra.

2. Osnovica i način obračunavanja doprinosa

Član 83.

Kod utvrđivanja osnovice, način obračunavanja i uplate doprinosa za obavezno zdravstveno osiguranje iz plaća radnika i s njima izjednačenih osiguranika, primjenjuju se propisi o porezima građana.

Član 84.

Osnovicu, način obračunavanja i uplate doprinosa iz člana 80. stav 1. tač. 3, 4, 5, 6, 7, 8, 9, 10, 11, 12, 13. i 14. ovog zakona utvrđuje svojim propisima zakonodavno tijelo kantona na prijedlog kantonalnog zavoda osiguranja.

Član 85.

Stope za utvrđivanje visine doprinosa iz člana 80. ovog zakona utvrđuje svojom odlukom zakonodavno tijelo kantona na prijedlog kantonalnog zavoda osiguranja.

Osnov za donošenje odluke iz stava 1. ovog člana predstavlja plan potrebnih sredstava za provođenje obaveznog zdravstvenog osiguranja koji utvrđuje upravni odbor kantonalnog zavoda osiguranja polazeći od utvrđivanja standarda zdravstvene zaštite i predviđenog programa mjera za provođenje obaveznog zdravstvenog osiguranja.

3. Obveznici uplate doprinosa

Član 86.

Obveznici obračunavanja i uplate doprinosa za obavezno zdravstveno osiguranje su:

1. preduzeća, druga pravna i fizička lica koja obavljaju privrednu i neprivrednu djelatnost - za radnike u radnom odnosu i s njima izjednačene osiguranike, za lica birana ili imenovana na funkcije u određenim organima državne ili sudske vlasti i uprave u Federaciji, kantonu i općini, za lica koja obavljaju rad po ugovoru prema propisima o radnim odnosima, za lica upućena na školovanje, stručno usavršavanje, posidiplomatski i doktorski studij ili na praktičan rad, za lica na profesionalnim funkcijama u vjerskim i drugim registriranim udruženjima, za volontere, za dodatni doprinos za korišćenje zdravstvene zaštite u inozemstvu,
2. Zavod za penzijsko i invalidsko osiguranje - za korisnike penzija i korisnike drugih prava po osnovu penzijskog i invalidskog osiguranja,
3. Zavod za zapošljavanje - za lica koja su privremeno nezaposlena i kod kojih su ta lica prijavljena,
4. Zavod za socijalnu zaštitu - za lica koja primaju stalnu novčanu pomoć i za lica smještena u ustanovama socijalne zaštite,
5. preduzeća i druga pravna lica odnosno nosioci investicija u okviru kojih se izvode radovi - za lica na javnim i drugim radovima,
6. lica zaposlena u inozemstvu - za članove svojih porodica čije je prebivalište na teritoriji kantona ako nisu osigurani po drugom osnovu,
7. nadležni organ uprave u Federaciji odnosno kantonu - za pripadnike Federalne vojske, pripadnike F MUP-a i za pripadnike kantonalne policije,
8. nadležni organ uprave kantona - za učenike odnosno studente koji nisu osigurani po drugom osnovu, kao i za učenike odnosno studente koji vrše praktičan rad u vezi s nastavom,
9. nadležni organ uprave kantona odnosno općine - za socijalno ugrožena lica koja nisu osigurana po drugom os-

- tri člana iz reda zdravstvenih radnika,
- dva člana iz reda osiguranika zdravstvenog osiguranja,
- dva člana iz reda poslodavaca.

Predsjednika upravnog odbora imenuje Vlada Federacije prilikom imenovanja ostalih članova upravnog odbora.

Član 103.

Upravni odbor kantonalnog zavoda osigurana:

- utvrđuje program djelatnosti obaveznog zdravstvenog osiguranja i mjera za unapređivanje obaveznog zdravstvenog osiguranja, utvrđuje politiku korišćenja sredstava obaveznog zdravstvenog osiguranja, daje smjernice za funkcioniranje stručne službe kantonalnog zavoda osiguranja radi pravilnog ostvarivanja prava osiguranih lica i racionalnog poslovanja,
- donosi statut kantonalnog zavoda osiguranja uz saglasnost zakonodavnog tijela kantona i druge opće akte za čije je donošenje ovlašten zakonodavac,
- predlaže saglasno zakonu stope doprinosa za obavezno zdravstveno osiguranje,
- donosi finansijski plan i usvaja završni račun,
- odlučuje o osiguravanju dopunskih sredstava i o načinu pokrivanja eventualnih gubitaka nastalih u poslovanju,
- pretresa godišnji izvještaj o radu kantonalnog zavoda osiguranja i njegove stručne službe,
- razmatra izvještaj o kontroli vrste, obima i kvaliteta izvršenih zdravstvenih usluga,
- provodi prošireno zdravstveno osiguranje ako je utvrđeno odlukom zakonodavnog tijela kantona,
- saraduje sa drugim kantonalnim zavodima osiguranja, Federalnim zavodom osiguranja i reosiguranja i drugim organizacijama i irganizacijama u stvarima od zajedničkog interesa - određuje predstavnike u drugim organizacijama i dr.,
- vrši i druge poslove za koje je ovlašten zakonodavac, podzakonskim aktima, općim i drugim aktima.

Upravni odbor može obrazovati odbore i komisije za izvršavanje određenih zadataka.

Član 104.

Upravni odbor Federalnog zavoda osiguranja i reosiguranja:

- utvrđuje program djelatnosti Federalnog zavoda osiguranja i reosiguranja i daje smjernice za funkcioniranje Stručne službe Federalnog zavoda osiguranja i reosiguranja,
- donosi statut Federalnog zavoda osiguranja i reosiguranja, uz saglasnost Parlamenta Federacije i druge opće akte,
- donosi finansijski plan i usvaja završni račun,
- razmatra probleme u vezi sa osiguranjem sredstava za provođenje obaveznog zdravstvenog osiguranja i reosiguranja na teritoriji Federacije i predlaže odgovarajuće mjere,
- razmatra izvještaj o provođenju obaveznog zdravstvenog osiguranja i reosiguranja na teritoriji Federacije i izvještaj o radu Stručne službe,
- razmatra izvještaj o provođenju međunarodnih ugovora o socijalnom osiguranju u dijelu koji se odnosi na obavezno zdravstveno osiguranje,
- razmatra izvještaj o ostvarivanju zdravstvene zaštite u inozemstvu,
- priprema prijedloge akata iz oblasti obaveznog zdravstvenog osiguranja i reosiguranja koje u skladu sa zakonom donose ministar zdravstva odnosno Vlada Federacije,

- učestvuje u pripremi za zaključivanje međunarodnih ugovora o socijalnom osiguranju u dijelu koji se odnosi na obavezno zdravstveno osiguranje,
- vrši i druge poslove za koje je ovlašten zakonodavac, podzakonom, općim i drugim aktima.

Upravni odbor može obrazovati odbore i komisije za izvršavanje određenih zadataka.

Član 105.

Kantonalnim zavodom osiguranja odnosno Federalnim zavodom osiguranja i reosiguranja rukovodi direktor.

Direktora kantonalnog zavoda osiguranja imenuje i razrješava vlada kantona na prijedlog kantonalnog ministra.

Direktora Federalnog zavoda osiguranja i reosiguranja imenuje i razrješava Vlada Federacije na prijedlog ministra zdravstva.

Član 106.

Kantonalni zavodi osiguranja imaju rezervu koja se ostvaruje izdavanjem najmanje 5% ukupnih rashoda ostvarenih u protekloj godini.

Nadzor nad korišćenjem rezerve obavlja upravni odbor kantonalnog zavoda osiguranja.

Član 107.

Sredstva rezerve služe za osiguravanje tekuće likvidnosti, za pokrivanje gubitaka i mogu biti korišćena za komercijalne pozajmice.

Član 108.

Ukoliko vlada kantona utvrdi da su gubici kantonalnog zavoda osiguranja nastali iz objektivnih okolnosti, gubici se pokrivaju iz budžeta kantona kao pomoć za likvidnost u iznosu koji nedostaje.

Član 109.

U svrhu osiguranja podataka potrebnih za provođenje obaveznog zdravstvenog osiguranja, te nadzor nad ostvarivanjem prava iz obaveznog zdravstvenog osiguranja u kantonalnom zavodu osiguranja odnosno Federalnom zavodu osiguranja i reosiguranja se vode evidencije.

Provedbene propise o načinu i mjestu vođenja, obliku, sadržaju i rokovima evidencije te obaveznicima vođenja evidencije, donijet će upravni odbor kantonalnog zavoda osiguranja odnosno Federalnog zavoda osiguranja i reosiguranja.

Član 110.

Nadzor nad zakonitošću rada kantonalnog zavoda osiguranja odnosno Federalnog zavoda osiguranja i reosiguranja obavlja nadležni organ uprave kantona odnosno Federacije.

VIII - KAZNE NE ODREDBE

Član 111.

Novčanom kaznom u iznosu od 500 do 2000 KM kaznit će se za prekršaj pravno odnosno fizičko lice:

1. ako ne obračunava odnosno ne uplati doprinos za obavezno zdravstveno osiguranje iz plaća radnika (član 86. stav 1. tačka 1.)
2. ako ne obračuna odnosno ne uplati dodatni doprinos za zdravstvenu zaštitu u inozemstvu. (član 86. stav 1. tačka 1.)
3. ako u zakonskom propisanom roku od dana povrede na radu odnosno utvrđivanja profesionalnog oboljenja radnika ne dostavi prijavu kantonalnom zavodu osiguranja. (član 28. stav 3.)
4. ako onemogući pregled i nadzor, te finansijsku kontrolu poslovanja (član 87. stav 1.)

Na osnovu čl. 22. i 24. Poslovnika Skupštine Kantona Sarajevo ("Službene novine Kantona Sarajevo" - Prečišćeni tekst, br. 12/05 i 7/08), Skupština Kantona Sarajevo, na sjednici održanoj 22. oktobra 2009. godine, donijela je

ODLUKU

O RAZRJEŠENJU I IZBORU ČLANA U KOMISIJU ZA ZAŠTITU JAVNOG ZDRAVLJA, SANITARNU ZAŠTITU I ZAŠTITU STANOVNIŠTVA SKUPŠTINE KANTONA SARAJEVO

I.

KEMAL HASEČIĆ (SBiH), razrješava se dužnosti člana u Komisiji za zaštitu javnog zdravlja, sanitarnu zaštitu i zaštitu stanovništva Skupštine Kantona Sarajevo, zbog podnesene ostavke usljed sukoba interesa.

II.

U Komisiju za zaštitu javnog zdravlja, sanitarnu zaštitu i zaštitu stanovništva Skupštine Kantona Sarajevo, bira se AMIR ĐAPO (SBiH).

III.

Ova Odluka objaviće se u "Službenim novinama Kantona Sarajevo".

Broj 01-05-26160/09
22. oktobra 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 39. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04), člana 8. Zakona o imovini Kantona Sarajevo ("Službene novine Kantona Sarajevo", broj 6/97) i člana 110. Poslovnika Skupštine Kantona Sarajevo ("Službene novine Kantona Sarajevo", broj 12/05 - Prečišćeni tekst, 7/08), Skupština Kantona Sarajevo, na sjednici održanoj 22. oktobra 2009. godine, donijela je

ODLUKU

O DAVANJU MOTORNOG VOZILA NA PRIVREMENO KORIŠTENJE

I.

Daje se saglasnost Ministarstvu unutrašnjih poslova Kantona Sarajevo da dodijeli Sudskoj policiji Federacije Bosne i Hercegovine, na privremeno korištenje specijalno blindirano vozilo vlasništvo Ministarstva unutrašnjih poslova Kantona Sarajevo, marke "FIAT", godina proizvodnje 1999., registarskih oznaka 041-J-564, broj šasije ZFA230000*05785652*, koje se vodi u evidenciji osnovnih sredstava navedenog ministarstva.

II.

Sve troškove koji nastanu u vrijeme korištenja vozila, uključujući i eventualne štete na istom, kao i troškove registracije i osiguranja vozila snosi Sudska policija Federacije Bosne i Hercegovine.

Na zahtjev Ministarstva unutrašnjih poslova Kantona Sarajevo korisnik iz tačke I. ove Odluke je dužan u roku od 30 dana vratiti vozilo u ispravnom stanju.

III.

Za realizaciju ove Odluke zadužuje se Ministarstvo unutrašnjih poslova Kantona Sarajevo.

IV.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-26165/09
22. oktobra 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 39. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 8. stav (1) Zakona o imovini Kantona Sarajevo ("Službene novine Kantona Sarajevo", broj 6/97) i člana 110. Poslovnika Skupštine Kantona Sarajevo ("Službene novine Kantona Sarajevo", broj 12/05 - Prečišćeni tekst, br. 7/08), Skupština Kantona Sarajevo, na sjednici održanoj 22. oktobra 2009. godine, donijela je

ODLUKU

O DONIRANJU MOTORNOG VOZILA

I.

Daje se saglasnost Ministarstvu zdravstva Kantona Sarajevo za doniranje Javnoj ustanovi Zavod za alkoholizam i druge toksikomanije, sa sjedištem u Sarajevu, ulica Bolnička br. 25, službeno motorno vozilo vlasništvo Ministarstva zdravstva Kantona Sarajevo, marke Škoda Fabia Classic 1.4, godina proizvodnje 2002, registarskih oznaka 146-T-312, broj šasije TMBPH16Y923476159, broj motora AZE054782, koje se vodi u evidenciji osnovnih sredstava navedenog ministarstva.

II.

Ministarstvo zdravstva Kantona Sarajevo će izvršiti isknjižbu iz evidencije osnovnih sredstava ovog ministarstva vozilo iz tačke I. ove Odluke.

III.

Za realizaciju ove Odluke zadužuje se Ministarstvo zdravstva Kantona Sarajevo.

IV.

Ova Odluka stupa na snagu od dana objavljivanja, a objavit će se u "Službenim novinama Kantona Sarajevo".

Broj 01-05-26164/09
22. oktobra 2009. godine
Sarajevo

Predsjedavajući
Skupštine Kantona Sarajevo
Dr. Denis Zvizdić, s. r.

Na osnovu člana 13. stav 1. tačka b. i člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 3/96, 16/97, 14/00, 4/01 i 28/04), čl. 84. i 85., a u vezi sa članom 103. stav 1. alineja 3. Zakona o zdravstvenom osiguranju ("Službene novine Federacije BiH", broj 30/97, 7/02 i 70/08), člana 9. Zakona o doprinosima ("Službene novine Federacije BiH", broj 35/98, 54/00, 16/01, 37/01, 1/02, 17/06 i 14/08), Skupština Kantona Sarajevo, na sjednici održanoj 22. oktobra 2009. godine, donijela je

ODLUKU

O UTVRĐIVANJU OSNOVICA, STOPA I NAČINU OBRAČUNAVANJA I UPLATE DOPRINOSA ZA OBAVEZNO ZDRAVSTVENO OSIGURANJE NA PODRUČJU KANTONA SARAJEVO

I. OPĆE ODREDBE

Član 1.

(Predmet Odluke)

(1) Ovom odlukom utvrđuju se:

- vrste doprinosa za osnovno/obavezno zdravstveno osiguranje (u daljnjem tekstu: doprinosi);
- obveznici doprinosa za obavezno zdravstveno osiguranje;
- obveznici obračuna i uplate doprinosa za obavezno zdravstveno osiguranje;
- osnovice doprinosa za obavezno zdravstveno osiguranje koje nisu utvrđene Zakonom o doprinosima;
- stope doprinosa za obavezno zdravstveno osiguranje koje nisu utvrđene Zakonom o doprinosima;
- način obračuna i uplate doprinosa za obavezno zdravstveno osiguranje.

- (2) Ovom Odlukom ne utvrđuju se osnovice, stope, obveznici doprinosa i obveznici obračuna i uplate doprinosa koji su utvrđeni odredbama Zakona o doprinosima.

Član 2.

Doprinosi iz člana 1. ove Odluke su prihod Zavoda zdravstvenog osiguranja Kantona Sarajevo (u daljnjem tekstu: Zavod).

II. DOPRINOSI OBAVEZNOG ZDRAVSTVENOG OSIGURANJA

Član 3.

(Vrste doprinosa)

Doprinosi se obračunavaju i plaćaju:

- a) iz ličnih primanja i drugih prihoda osiguranika;
- b) na isplaćena lična primanja na teret poslodavca;
- c) iz drugih izvora utvrđenih ovom Odlukom.

Član 4.

(Obveznici doprinosa)

- (1) Obveznik doprinosa iz člana 3. tačka a) ove Odluke je fizičko lice.
- (2) Obveznik doprinosa iz člana 3. tačka b) ove Odluke je poslodavac odnosno fizičko lice.
- (3) Obveznici doprinosa iz člana 3. tačka c) ove Odluke su zavodi, fondovi, organi uprave i druga pravna ili fizička lica određena zakonom o zdravstvenom osiguranju, ovom odlukom i drugim propisima.

Član 5.

(Najniža osnovica za obračun doprinosa)

Osnovica za obračun doprinosa ne može biti niža od najniže plaće utvrđene Općim kolektivnim ugovorom za teritoriju Federacije BiH, osim u slučajevima kada je to definisano Zakonom o doprinosima.

III. OBEVZNICI OBRAČUNA I UPLATE DOPRINOSA ZA OBAVEZNO ZDRAVSTVENO OSIGURANJE

Član 6.

(Obveznici doprinosa)

Obračun i uplatu doprinosa za obveznika iz člana 3. tačka a) i b) ove Odluke vrši:

- a) poslodavac za zaposlenika koji je zaposlen sa nepunim radnim vremenom,
- b) vjerska zajednica za zaposlenike koji profesionalno obavljaju funkciju i poslove u vjerskim zajednicama;
- c) vlasnik privrednog društva sa sjedištem na području Kantona Sarajevo, ako nije obavezno osiguran po drugom osnovu.

Član 7.

(Ovlaštenje za obračun i uplatu doprinosa)

Obračun i uplatu doprinosa iz člana 3. tačka c) ove Odluke vrši:

- a) isplatištilac naknade za zaposlenika koji se nalazi na porodiljskom odsustvu;
- b) poslodavac odnosno nadležni organ za zapošljavanje za lica koja se nakon završenog obrazovanja nalaze na obaveznom radu radi sticanja praktičnih iskustava;
- c) kantonalna služba za zapošljavanje za lica iz člana 19. stav 1. tačka 12., 13. i 14. Zakona o zdravstvenom osiguranju;
- d) lice koje se prijavljuje na lično obavezno zdravstveno osiguranje jer mu zdravstvena zaštita nije obezbijedena po drugom osnovu a ima sredstva za izdržavanje;
- e) nadležni nosilac penzijskog i invalidskog osiguranja entiteta odnosno Distrikta Brčko - isplatištilac penzije za državljane Bosne i Hercegovine koji imaju prebivalište na području Kantona Sarajevo;

- f) strani državljanin i lice bez državljanstva kojima je odobren boravak u Federaciji BiH na području Kantona Sarajevo;

- g) nadležni organ uprave Federacije BiH:

- 1) za učenike i studente vojnih i policijskih škola i akademija ako nisu osigurani po drugom osnovu;
- 2) za lica na odsluženju vojnog roka;

- h) organ uprave kantona nadležan za poslove socijalne i dječije zaštite:

- 1) za djecu od rođenja do polaska u osnovnu školu, koja nisu osigurana po drugom osnovu;
- 2) za lica nakon navršanih 65 godina života, koja nisu zdravstveno osigurana po drugom osnovu;
- 3) za lica civilne žrtve rata, ako nisu osigurana po drugom osnovu;
- 4) socijalno ugrožena lica, koja nisu osigurana po drugom osnovu;
- 5) za lica iz člana 24. stav 1. tačka 1, 2. i 3. Zakona o zdravstvenom osiguranju;
- 6) za lica smještena u ustanove socijalne zaštite i lica koja primaju stalnu novčanu pomoć, ako nisu osigurana po drugom osnovu.

- i) organ uprave kantona nadležan za obrazovanje, za učenike i studente koji nisu osigurani po drugom osnovu;

- j) organ uprave kantona nadležan za boračku zaštitu za lica sa prebivalištem na području Kantona Sarajevo kojima je priznato svojstvo ratnog, mimodopskog vojnog invalida odnosno lica koja imaju status korisnika porodične invalidnine, ratnog ili mimodopskog vojnog invalida, porodice šehida i poginulih boraca, ako nisu osigurana po drugom osnovu;

- k) organ uprave kantona nadležan za povratak i raseljena lica, za lica kojima je priznat status raseljenog lica;

- l) organ uprave općine za lica koja se nalaze u statusu socijalne potrebe, a nisu osigurana po drugom osnovu, pod uslovom da nemaju članove porodice koji su po zakonu dužni da se o njima staraju odnosno da nemaju nepokretne imovine.

- m) nadležni organ uprave Kantona za zaposlenike u preduzećima koja nisu u mogućnosti da izmiruju obaveze po osnovu zdravstvenog osiguranja, u smislu člana 10. tačka j).

IV. OSNOVICA DOPRINOSA

Član 8.

(Osnovice za obračun i uplatu doprinosa)

Osnovice doprinosa na koje obveznici obračuna i uplate doprinosa iz člana 6. stav (1) plaćaju doprinos su:

- a) za zaposlenika koji je zaposlen sa nepunim radnim vremenom:
 - plaća s tim da osnovica za obračun doprinosa ne može biti niža od najniže plaće utvrđene Općim kolektivnim ugovorom za teritoriju Federacije BiH;
- b) za zaposlenika koji je zaključio ugovore o radu sa nepunim radnim vremenom sa više poslodavaca:
 - plaća kod svih poslodavaca, s tim da ista ne može biti niža od najniže plaće utvrđene Općim kolektivnim ugovorom za teritoriju Federacije BiH;
- c) za zaposlenika koji profesionalno obavlja funkciju i poslove u vjerskim zajednicama:
 - plaća s tim da osnovica ne može biti niža od najniže plaće utvrđene Općim kolektivnim ugovorom za teritoriju Federacije BiH;
- d) za vlasnika privrednog društva sa sjedištem na području Kantona Sarajevo, ako nije obavezno osiguran po drugom osnovu:
 - dvostruki iznos prosječne mjesečne bruto plaće isplaćene na području Federacije BiH prema posljednjem objavljenom podatku Federalnog Zavoda za statistiku;

Član 9.

Osnovice doprinosa na koje obveznici obračuna i uplate doprinosa iz člana 7. tačka a), b), d), e) i f) plaćaju doprinos su:

- a) za zaposlenika koji se nalazi na porodiljskom odsustvu:
 - naknada plaće koja ne može biti niža od najniže plaće koja je utvrđena Općim kolektivnim ugovorom za teritoriju Federacije BiH;
- b) za lice koje se nakon završenog obrazovanja nalazi na obaveznom radu radi sticanja praktičnih iskustava mogu biti:
 - 1) naknada u skladu sa ugovorom zaključenim sa poslodavcem koja ne može biti niža od najniže plaće utvrđene Općim kolektivnim ugovorom za teritoriju Federacije BiH;
 - 2) paušalni iznos od 6 KM ako je zdravstveno osiguran putem JU Službe za zapošljavanje;
 - 3) ako nije osiguran po prethodna dva osnova, najniža plaća utvrđena Općim kolektivnim ugovorom za teritoriju Federacije BiH;
- c) za lice koje se prijavljuje na lično zdravstveno osiguranje jer mu zdravstvena zaštita nije obezbijedena po drugom osnovu, a ima sredstva za izdržavanje:
 - prosječna mjesečna bruto isplaćena plaća na području Federacije BiH prema posljednjem objavljenom podatku Federalnog Zavoda za statistiku;
- d) za lice koje penziju ostvaruje od domaćeg nosioca penzijskog - mirovinskog osiguranja:
 - iznos neto isplaćene penzije s tim da osnovica ne može biti niža od iznosa najniže penzije utvrđene za korisnike penzija na teritoriji Federacije BiH;
- e) za lica strane državljanke ili lica bez državljanstva koja nisu osigurana po drugom osnovu:
 - prosječna mjesečna bruto plaća isplaćena na području Federacije BiH prema posljednjem objavljenom podatku Federalnog Zavoda za statistiku.

V. OBVEZNICI I STOPE DOPRINOSA IZ DRUGIH IZVORA

Član 10.

(Paušalni iznos doprinosa)

Doprinos koji se utvrđuje u paušalnom iznosu i obveznici uplate ovog doprinosa su:

- a) JU Služba za zapošljavanje Kantona Sarajevo koja na zdravstveno osiguranje prijavljuje nezaposlena lica iz člana 19. tač. 12., 13. i 14. Zakona o zdravstvenom osiguranju, u paušalnom iznosu od 6,00 KM po nosiocu osiguranja koji je prijavljen kod Službe za zapošljavanje i 3,00 KM po osiguranom licu kao članu uže porodice nosioca osiguranja;
- b) nadležni organ uprave Federacije za učenike i studente vojnih i policijskih škola i akademija i za lica na redovnom odsluženju vojnog roka, ako nisu osigurani po drugom osnovu u paušalnom iznosu od 20 KM.
- c) organ uprave kantona nadležan za poslove socijalne i dječije zaštite:
 - 1) za djecu od rođenja do polaska u osnovnu školu, a koja nisu osigurana po drugom osnovu u paušalnom iznosu od 20 KM po prijavljenom djetetu;
 - 2) za lica nakon navršanih 65 godina života, koja nisu zdravstveno osigurana po drugom osnovu, u paušalnom iznosu od 20 KM po prijavljenom licu;
 - 3) za lica civilne žrtve rata, ako nisu osigurana po drugom osnovu, u paušalnom iznosu od 20 KM po prijavljenom licu;
 - 4) za socijalno ugrožena lica, ako nisu osigurana po drugom osnovu, u paušalnom iznosu od 20 KM po prijavljenom licu;

5) za lica smještena u ustanove socijalne zaštite i lica koja primaju stalnu novčanu pomoć, ako nisu osigurana po drugom osnovu, u paušalnom iznosu od 20 KM po prijavljenom licu;

- d) nosioci aktivnosti za lica iz člana 24. stav 1. tačka 1., 2. i 3. Zakona o zdravstvenom osiguranju u paušalnom iznosu od 2 KM dnevno po osiguranom licu;
- e) organ uprave kantona nadležan za obrazovanje za učenike i studente koji nisu osigurani po drugom osnovu u skladu sa članom 19. tačka 13 a. Zakona, u paušalnom iznosu od 20 KM po prijavljenom licu;
- f) organ uprave kantona nadležan za boračku zaštitu, za lica sa prebivalištem na području Kantona Sarajevo kojima je priznato svojstvo ratnog ili mirnodopskog vojnog invalida, civilnog invalida, odnosno lica koja imaju status korisnika porodične invalidnine, porodice šehida i poginulih boraca, ako nisu osigurana po drugom osnovu u paušalnom iznosu od 20 KM po prijavljenom licu;
- g) organ uprave kantona nadležan za povratak i raseljena lica, za lica kojima je priznat status raseljenog lica, u paušalnom iznosu od 20 KM po prijavljenom licu;
- h) organ uprave općine za lica koje se nalaze u statusu socijalne potrebe a nisu osigurana po drugom osnovu, pod uslovom da nemaju članova porodice koji su po zakonu dužni da se o njima staraju, odnosno da nemaju nepokretne imovine, u paušalnom iznosu od 20 KM po prijavljenom licu;
- i) studenti preko 26 godina koji nisu osigurani po drugom osnovu, sami plaćaju doprinos za obavezno zdravstveno osiguranje u paušalnom iznosu od 20 KM mjesečno, a najduže do navršene 30. godine života.
- j) nadležni organ uprave Kantona za zaposlenike u preduzećima koja nisu u mogućnosti da izmiruju obaveze po osnovu zdravstvenog osiguranja sa učešćem državnog kapitala Kantona Sarajevo od 51% i više, a koja su u postupku stečaja, likvidacije, restrukturiranja i privatizacije, u paušalnom iznosu od 20,00 KM po zaposleniku - nosiocu osiguranja, po posebnim aktima Vlade Kantona Sarajevo.

VI. STOPE DOPRINOSA

Član 11.

Stope doprinosa na osnovice utvrđene članom 8. su:

- a) tačka a) i b) - 12,5% iz ličnih primanja i 4% na isplaćena lična primanja na teret obveznika obračuna i uplate doprinosa;
- b) tačka c) - 12,5% iz ličnih primanja i 4% na isplaćena lična primanja na teret obveznika obračuna i uplate doprinosa;
- c) tačka d) - 12,5% iz ličnih primanja i 4% na isplaćena lična primanja na teret obveznika obračuna i uplate doprinosa;

Član 12.

Stope doprinosa na osnovice utvrđene članom 9. su:

- a) tačka a) - 12,5% na osnovicu i 4% na teret obveznika obračuna i uplate doprinosa;
- b) tačka b) alineja 1) - 12,5% na isplaćenu naknadu i 4% na teret poslodavca, tačka b) alineja 3) - 5% na utvrđenu osnovicu;
- c) tačka c) - 5% na utvrđenu osnovicu;
- d) tačka d) - 12,5% na utvrđenu osnovicu;
- e) tačka e) - 5% na utvrđenu osnovicu.

VII. OBRAČUN I UPLATA DOPRINOSA ZA OBAVEZNO ZDRAVSTVENO OSIGURANJE

Član 13.

- (1) Obračun i uplata doprinosa za obavezno zdravstveno osiguranje kao i kontrola obračuna i uplate doprinosa vrši se na način i po postupku uređenom Zakonom o doprinosima, Zakonom o zdravstvenom osiguranju, Pravilnikom o načinu

obračunavanja i uplate doprinosa ("Službene novine Federacije BiH", broj 64/08) i ovom Odlukom.

(2) Na iznos doprinosa za obavezno zdravstveno osiguranje koji nisu uplaćeni u propisanom roku obračunava se i plaća kamata u skladu sa zakonom.

VIII. ZAVRŠNE ODREDBE

Član 14.

Danom stupanja na snagu ove Odluke prestaje da važi Odluka o osnovnicama i stopama doprinosa za obavezno zdravstveno osiguranje za Kanton Sarajevo ("Službene novine Kantona Sarajevo", br. 11/00 i 10/05).

Član 15.

(Stupanje na snagu)

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-26163/09 Predsjedavajući
22. oktobra 2009. godine Skupštine Kantona Sarajevo
Sarajevo Dr. Denis Zvizdić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04) i presude Ustavnog suda Federacije Bosne i Hercegovine broj U-4/05 ("Službene novine Federacije BiH", broj 5/06), Skupština Kantona Sarajevo, na sjednici održanoj 22. oktobra 2009. godine, donijela je

ODLUKU

O PRESTANKU VAŽENJA ODLUKE O OPĆIM, JEDINSTVENIM KRITERIJIMA DODJELE U ZAKUP POSLOVNIH ZGRADA I PROSTORIJA KOJIMA PRAVO RASPOLAGANJA IMAJU OPĆINE NA PODRUČJU KANTONA SARAJEVO

Član 1.

Odluka o općim, jedinstvenim kriterijima dodjele u zakup poslovnih zgrada i prostorija kojima pravo raspolaganja imaju općine na području Kantona Sarajevo ("Službene novine Kantona Sarajevo", br. 19/97 i 16/04) prestaje da važi, u skladu sa presudom Ustavnog suda Federacije Bosne i Hercegovine broj U-4/05 od 08.11.2005. godine ("Službene novine Federacije BiH", broj 5/06) sa danom objavljivanja presude.

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-02-26151-1/09 Predsjedavajući
22. oktobra 2009. godine Skupštine Kantona Sarajevo
Sarajevo Dr. Denis Zvizdić, s. r.

Ministarstvo finansija

Na osnovu člana 13. stav 3. Zakona o izvršavanju Budžeta Kantona Sarajevo za 2009. godinu ("Službene novine Kantona Sarajevo", broj 10/09) po zahtjevu Srednje građevinsko-geodetske škole Sarajevo, ministrica finansija donosi slijedeću

ODLUKU

O UNOSU PRIMLJENE DONACIJE U BUDŽET KANTONA SARAJEVO ZA 2009. GODINU ZA SREDNJU GRAĐEVINSKO-GEODETSKU ŠKOLU SARAJEVO

1. Odobrava se unos sredstava (primljena donacija) u ukupnom iznosu 700 KM u Budžet Kantona Sarajevo za 2009. godinu

koje su Euro Asfalt d.o.o Sarajevo u iznosu od 500 KM i Knauf d.o.o Sarajevo u iznosu od 200 KM dodijelili Srednjoj građevinsko-geodetskoj školi Sarajevo, za finansijsku pomoć pri izradi Monografije i nabavku sportskih rekvizita.

2. Sredstva iz tačke 1. ove Odluke evidentirani će se u razdjelu 21 Ministarstva obrazovanja i nauke, glava 03, potrošačka jedinica 0023 - Srednja građevinsko-geodetska škola Sarajevo na ekonomskim kodovima:
613900 Ugovorene i druge posebne usluge iznos . . . 500 KM
613400 Nabavka materijala iznos 200 KM
3. Prilikom realizacije sredstava iz tač. 1. i 2. ove Odluke Srednja građevinsko-geodetska škola Sarajevo je dužna primijeniti Zakon o javnim nabavkama Bosne i Hercegovine ("Službeni glasnik BiH", br. 49/04, 19/05, 50/05, 52/05, 92/05, 24/06, 70/06 i 105/06).
4. Ministarstvo finansija će evidentirati i proknjižiti uplaćena sredstva i izvršiti plaćanje po naredbi Ministarstva obrazovanja i nauke u skladu sa prilivom tih sredstava u Budžet Kantona Sarajevo za 2009. godinu i Ministarstvo obrazovanja i nauke će pratiti utrošak istih.
5. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-25476/09
15. oktobra 2009. godine
Sarajevo

Ministrica
Aida Haverić, s. r.

Na osnovu člana 13. stav 3. Zakona o izvršavanju Budžeta Kantona Sarajevo za 2009. godinu ("Službene novine Kantona Sarajevo", broj 10/09) po zahtjevu Osnovne škole "Džemaludin Čaušević" Sarajevo, ministrica finansija donosi slijedeću

ODLUKU

O UNOSU PRIMLJENE DONACIJE U BUDŽET KANTONA SARAJEVO ZA 2009. GODINU ZA OSNOVNU ŠKOLU "DŽEMALUDIN ČAUŠEVIĆ" SARAJEVO

1. Odobrava se unos sredstava (primljena donacija) u iznosu 1.000 KM u Budžet Kantona Sarajevo za 2009. godinu koje je BH Telekom Sarajevo dodijelio Osnovnoj školi "Džemaludin Čaušević" Sarajevo za realizaciju škole u prirodi koja je predviđena Nastavnim planom i Godišnjim programom rada škole.
2. Sredstva iz tačke 1. ove Odluke evidentirani će se u razdjelu 21 Ministarstva obrazovanja i nauke, glava 02, potrošačka jedinica 0048 - Osnovna škola "Džemaludin Čaušević" Sarajevo na ekonomskom kodu:
613900 Ugovorene i druge posebne usluge iznos 1.000 KM
3. Prilikom realizacije sredstava iz tač. 1. i 2. ove odluke Osnovna škola "Džemaludin Čaušević" Sarajevo je dužna primijeniti Zakon o javnim nabavkama Bosne i Hercegovine ("Službeni glasnik BiH", br. 49/04, 19/05, 50/05, 52/05, 92/05, 24/06, 70/06 i 105/06).
4. Ministarstvo finansija će evidentirati i proknjižiti uplaćena sredstva i izvršiti plaćanje po naredbi Ministarstva obrazovanja i nauke u skladu sa prilivom tih sredstava u Budžet Kantona Sarajevo za 2009. godinu i Ministarstvo obrazovanja i nauke će pratiti utrošak istih.
5. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-25346/09
15. oktobra 2009. godine
Sarajevo

Ministrica
Aida Haverić, s. r.